

TEZĂUR LITURGIC

1 APRILIE

ACATISTUL SF. CUVIOS VARSANUFIE PLIHARENKO DE LA OPTINA



MOSCOVA, 2000



Акафист преподобному Варсонофию Оптинскому

Кондак 1

Избранный воине Христов и чудотворче, преподобне отче наш Варсонофие, иже праведным житием полки бесовския низложил еси и Русь Святую на стезях благочестия утвердил еси, похвальная тебе приносим пения. Ты же, яко имея велие дерзновение ко Господу, от всяких нас бед свободи, любовию зовущих: Радуйся, Варсонофие, Оптинскаго старчества боголепное украшение.

Икос 1

Лик Небесный воспеваёт богоугодное твоё житие, зане от рождения избран был еси светити миру подвиги благочестия. Ещё во отрочестве твоём старец богомудрый прорече о тебе, яко многия души избавиши от огня геенскаго. Темже поминающе душеспасительныя твоя подвиги, с вои небесными похвальная тебе вопием:

Радуйся, чадо, млеко́м благочестия напоенное;
радуйся, овне, хле́бом премудрости
упитанный.

Ра́дуйся, моли́тве церко́вней от мла́да ма́терию
науче́нный;

ра́дуйся, у́тренева́вый Бо́гу во умиле́нии
сердечне́м.

Ра́дуйся, на па́жити церко́вней собра́вый
кри́ны благоче́стия;

ра́дуйся, ра́лом любому́дрия искорени́вый
страсте́й нече́стие.

Ра́дуйся, е́леню, на го́ры богове́дения
востеки́й;

ра́дуйся, воды́ смиренному́дрия та́мо испи́вый.

Ра́дуйся, Варсоно́фие, О́птинскаго ста́рчества
боголе́пное украше́ние.

Кондак 2

Сёрдце имёя любвеобильное, нищим и си́рым
де́тям сострада́л еси́, о́тче Варсоно́фие. Па́мятуя,
яко таковы́х есть Ца́рствие Небе́сное, угоще́ния
им сла́дкая учрежда́л еси́, пи́щею земно́ю пита́я
их телеса́, в ду́ши же их влага́я пресла́дкая
Божество́нная словеса́. Те́мже си́рья де́ти,
зря́ще о них таково́е промы́шление, Бо́гу,
пита́телю всех, возсыла́ху хвалу́: Аллилу́иа.

Икос 2

В чи́не во́инством служа́ отечеству́, о́браз
благоче́стия ру́сскому во́инству был еси́,
открове́нием же свы́ще, яко апо́стол Па́вел, к
по́чести вы́шняго зва́ния призва́н был еси́.

Таковому о тебе промышленности Божію
чудящися, сице тебе вопіем:

Радуйся, христілюбиваго воинства доблестный
поборниче;

радуйся, оптинскаго ангелоподобнаго полка
мудрый наставниче.

Радуйся, отечеству благомощное заступление
явивый;

радуйся, монашествующих духовным бранем
искусно научивый.

Радуйся, с небесе Божественным откровением
облистанный;

радуйся, озарением небесным духовно
преображенный.

Радуйся, мечу ярости Божественныя на
богопротивныя;

радуйся, щите духовный, о негоже
сокрушаются стрелы разжённыя.

Радуйся, Варсонофіе, Оптинскаго старчества
боголепное украшение.

Кондак 3

Житіе мирское благочестно управив, отче
Варсонофіе, волю Божественную о себе
взыскати восхотел еси. Темже праведным
Иоанном, пастырем Кронштадтским,
священство тебе предуказася, и Гефсиманским
старцем Варнавою брак духовный предречеся, в

нѣмже дѹшу твою Жениху Христу уневѣстил еси,
по я Емѹ: Аллилуиа.

Икос 3

В скит Предтечев притек, яко елень
жаждущий, покаяния воды ища, тою измыл еси
тину страстей, разум же духовный от
богосносных старцев Оптиных почерпая, в
возраст мужа духовнаго приспел еси. Темже
богоразумие твое похваляюще, сице тебе зовем:

Радуйся, от сует мирских, аки лань от тенет,
устремивыйся;

радуйся, яко на Иордан мысленный в скит
Предтечев притекий.

Радуйся, богосносным старцем, яко железо
ковачу, душу свою вручивый;

радуйся, послушанием, аки ключем, дверь
страстей затворивый.

Радуйся, божественней воли последования
возжелевый;

радуйся, на недвижимем камени смирения
себе утвердивый.

Радуйся, постом и бдением главы змиев
сокрушивый;

радуйся, Ангельския силы рачением своим
возвеселивый.

Радуйся, Варсонофие, Оптиного старчества
боголепное украшение.

Кондак 4

В чине Ангельстем водворивыйся в пустыни
Оптинстей, яко бронёю обложился еси
постническим житием, и ратоборством
искусным низложил еси козни диавольския,
песнь победную поя Богу: Аллилуиа.

Икос 4

Силою свыше препоясався, преподобне, и
крест на рамо взем иноческих скорбей,
смиреномудренно попрал еси вся искушения
бесовская и к почести вышнего звания
победоносно потекл еси. Темже венец похвал
сплетающе, сице тебе вопием:

Радуйся, святоотеческим учением, яко
диадимою, разум увенчавый;

радуйся, ангелоподобными добродетельми
душу украсивый.

Радуйся, иноческое житие серафимски
пламенно возлюбивый;

радуйся, предание богоносных старцев яко
мед духовный пивый.

Радуйся, смиреномудрия камень краеуголен
во глубине души утвердивый;

радуйся, молитву, яко меч духовный,
трезвением изостривый.

Радуйся, псалмопением непрестанным
демонская вышения смиривый;

ра́дуйся, трудолю́бными по́двиги хра́мину добродéтелей совершивый.

Ра́дуйся, Варсоно́фие, О́птинскаго ста́рчества боголе́пное украше́ние.

Кондак 5

Богоно́сному ста́рцу Анато́лию прилепíвыйся любóвию душе́вною, и добродéтельным его́ жити́ем ду́шу свою́ снабдив, я́ко ча́до возлю́бленное да́ры сыноположе́ния прия́л еси́ от него́ пребога́тыя, духо́двигною моли́твою благода́рно Бо́гу вопия́: Аллилу́иа.

Икос 5

Я́ко му́дрый па́стырь бразды́ правле́ния скита́ О́птинскаго прия́л еси́, и ста́до мона́шествующих духо́зла́чным уче́нием окорми́л еси́, те́мже бра́тия, ви́дяще благода́ть ста́рчества, на тебе́ почи́вающую, единогласно́ воззва́ша тебе́ такова́я:

Ра́дуйся, терпеливоду́шно понесый́ гоне́ния, я́ко ста́рец Лев;

ра́дуйся, украше́нный смиренному́дрием, я́ко ста́рец Мака́рий.

Ра́дуйся, розго́, процвётшая благослове́нием ста́рца Амвро́сия;

ра́дуйся, ве́рный помо́щниче и же́зде ста́рости преподо́бнаго Ио́сифа.

Ра́дуйся, возлю́бленное ча́до ста́рца Анато́лия;

ра́дуйся, духо́вный дру́же и сота́инниче ста́рца Некта́рия.

Ра́дуйся, богому́дрый управите́лю скита́ по завета́м ста́рца Моисе́я;

ра́дуйся, любвеобильный а́вво, воспита́вый Никона́ испове́дника.

Ра́дуйся, Варсоно́фие, О́птинскаго ста́рчества боголе́пное украше́ние.

Кондак 6

Со́лнце Пра́вды предуго́тови ты, я́ко стрелу́ избра́нну, и к темноне́истовым язы́кам ты устреми́. Ты же моли́твами сво́ими христолю́биво́му во́инству на враги́ спобо́рствовал еси́, ра́нених во́ев Та́йнами церковными́ па́стырски снабдева́я. Те́мже сла́вит ты страна́ Росси́йская и Бо́гу побе́дно вопи́ет: Аллилу́иа.

Икос 6

От восто́ка со́лнечнаго возвра́щся, добропобе́дне Варсоно́фие, ношебде́нныя своя́ возста́вил еси́ подвиги́ и я́ко по́лная луна́ добродете́льми сия́я в но́щи, Амали́ка мы́сленнаго умертви́л еси́ смире́нными сво́ими к Бо́гу моле́ньми. Те́мже подвиги́ твоя́ до́бльственныя восхваля́юще, велегла́сно тебе́ зове́м:

Ра́дуйся, стрело́ избрана́я, уязви́вшая
дре́вняго зми́я;

ра́дуйся, звездо́ Правосла́вия, озари́вшая
наро́ды неверны́я.

Ра́дуйся, христолю́биво́му во́инству на враги́
соодоле́ние;

ра́дуйся, церко́вными Та́йнами тех
укрепле́ние.

Ра́дуйся, покая́ния пропове́дниче
радостотво́рный;

ра́дуйся, исцеле́ний исто́чнице
чудодействе́нный.

Ра́дуйся, я́ко моли́твою уврачевал еси́
стражду́щих;

ра́дуйся, я́ко псалмопе́нием усмири́л еси́
вражду́ющих.

Ра́дуйся, Варсоно́фие, О́птинскаго ста́рчества
боголе́пное украше́ние.

Кондак 7

Я́ко безкро́вное му́ченичество, жити́е
мона́шеское соверши́в, дости́гл еси́ пристани́ща
безстра́стия. Сего́ ра́ди дар проро́чества изли́я
на тя Госпо́дь и я́ко свети́льник рассу́ждения
поста́ви тя на све́щнице церко́внем, да све́тиши
в грехо́вней но́щи и заблуждши́я ко стезя́м
благоче́стия наста́виши, е́же сла́вити им Бо́га и
вопи́ти Ему́: Аллилу́иа.

Икос 7

Бу́рю грехо́вную, иму́щую вско́ре сокруши́ти
зе́млю ру́сскую, твоима́ духо́вными́ очима́
прозрёл еси́. Те́мже, я́ко но́вый проро́к, к
покая́нию увеща́л еси́ присту́пители́ лю́ди
заблуждши́я, ве́рныя же укрепля́л еси́
претерпе́ти досто́йно ско́рби гряду́щая. Сего́
ра́ди я́ко утешите́ля богодухнове́ннаго поём ты́
сице:

Ра́дуйся, ма́стию Ду́ха Свята́го пома́занный
проро́че;

ра́дуйся, испо́лненный Боже́ственных
открове́ний небе́сный челове́че.

Ра́дуйся, духо́вным взо́ром сердца́
челове́ческая испыту́яй;

ра́дуйся, покая́нием чистосерде́чным
гре́шники врачу́яй.

Ра́дуйся, рассу́ждения духо́внаго светле́йшее
обита́лище;

ра́дуйся, Боже́ственных Та́ин досто́йное
приятели́ще.

Ра́дуйся, О́птинскаго ста́рчества чисте́йшее
зерца́ло;

ра́дуйся, наро́да ру́сскаго крепча́йшее забра́ло.

Ра́дуйся, Варсоно́фие, О́птинскаго ста́рчества
боголе́пное украше́ние.

Кондак 8

Яко незлобиваго агнца во объятія своя приим
пришедшаго к тебе Никона, представленнаго
исповедника Оптинскаго, предрекл еси ему,
колико имать пострадати о Христѣ. Тако
сотайника в нем обрел еси и ученика
благопослушнаго, иже и ныне не отлучився от
тебе, но в горнем присно ликуя, песнь согласную
поет с тобою: Аллилуиа.

Икос 8

Па́стырскую му́дрость восприим, богому́дре
отче, овцы Христо́вы на зла́чных па́житех
благодати упасл еси, и словеснымъ учениемъ
твоимъ, яко медоточнымъ питиемъ, соль
спасительнаго пути преподал еси на сладость
им. Сего́ ради агнцы словесныя
новомученическому стаду возрастил еси, с
нимиже похвалами тя венчаемъ сими:

Ра́дуйся, па́стырю незлобивыхъ агнцевъ;

ра́дуйся, губителю невидимыхъ волковъ.

Ра́дуйся, крест носивый, яко похвалу́
Христо́ву;

ра́дуйся, плоть распявый со страстьми и
похотьми.

Ра́дуйся, новомучениковъ Оптинскихъ
богодуховенное удобрѣние;

ра́дуйся, исповедникомъ образе в
богозаповѣданномъ терпѣнии.

Ра́дуйся, свята́го Ни́кона вѣнче
златокованный;
ра́дуйся, собо́ра О́птинскаго ка́меню
богоизбра́нный.

Ра́дуйся, Варсоно́фие, О́птинскаго ста́рчества
боголе́пное украше́ние.

Кондак 9

Ра́дость а́нгельская на небеси́ яви́ся о житии́
твоёмъ святѣмъ, о́тче преподо́бне, де́мономъ же
скорбьъ вели́ка бы́сть, егда́ умно́жил еси́
па́стырскія тво́я подвиги. Те́мже мно́гия ду́ши
от вла́сти де́монскія тобо́ю свободи́вшеся, в
лице спаса́емыхъ воспѣ́ша Бо́гу: Аллилу́иа.

Икос 9

Мудрецы́ ве́ка сего́ я́ко буесло́влящія обличи́л
еси́, помышля́ющія о Творце́ своёмъ я́ко не
су́щемъ, чудоде́йствы же твоими́ торже́ство ве́ры
показа́л еси́, егда́ разве́рзл еси́ слухъ глухоне́мому.
Те́мже серде́чная на́ша ушеса́ отве́рзи ко
слы́шанию сло́ва Бо́жия и приими́ похва́льныя
сия́ словеса́, от любве́ тебе́ приносимы́я:

Ра́дуйся, а́нгельскія крепо́сти испо́лненный
подви́жниче;

ра́дуйся, де́мономъ нанесе́й я́зву
всегуби́тельную.

Ра́дуйся, ве́рнымъ подава́й светоза́рное
просвеще́ние;

ра́дуйся, разоря́й тьму нече́стиваго неве́рия.
Ра́дуйся, Боже́ственных чуде́с изря́дный
дарода́телю;

ра́дуйся, Богодо́стойное прия́телище
блага́дати.

Ра́дуйся, его́же ра́ка я́ко исто́чник то́чит
исцелéния;

ра́дуйся, имже до ны́не творя́тся пресла́вная
зна́мения.

Ра́дуйся, Варсоно́фие, О́птинскаго ста́рчества
боголе́пное украше́ние.

Кондак 10

Ви́дя богоме́рзкое нече́стие ми́ра сего́ и хотя́
пре́лести у́гля угаси́ти, отве́рзл еси́ медото́чивая
уста́ твоя́ и сладкоглаго́ливых поучéний ре́ки
источи́л еси́. Сего́ ра́ди грéшницы отврати́шася
от греха́, ве́рнии же к высоте́ боголюби́ваго
устреми́шася благоче́стия, песнь сладча́йшую
Бо́гу пою́ще: Аллилу́иа.

Икос 10

До́бре упасл еси́ ста́до мона́шествующих на
па́житех живото́рных, и ми́ру яви́лся еси́ я́ко
свет вторы́й. Сего́ ра́ди па́стырскаго посе́щения
твоего́ про́сим, е́же изба́вити от лю́таго
миродéржца ста́до твоё и от пре́лестных его́
се́тей. Да в кро́ве крил твои́х моли́твенных
храни́ми, си́це тебе́ вопи́ем:

Ра́дуйся, я́ко со́нми мона́шествующих напита́л еси́ духо́вною пи́щею;
ра́дуйся, я́ко ми́рскія напои́л еси́ ева́нгельским млеко́м.

Ра́дуйся, благозвучна́я цевни́це, добродете́ль целомудриа́ воспева́й;

ра́дуйся, Предте́чева секи́ро, ко́рения страсте́й посеца́й.

Ра́дуйся, стрело́ огневи́дная, порази́вшая возду́шных князе́й;

ра́дуйся, мечу́ поостре́нный, сокруши́вый главы́ невиди́мых зми́ев.

Ра́дуйся, исто́чнице, к нему́же притека́ют жа́ждущия утеше́ния;

ра́дуйся, о́гне, имже́ попада́ются хвра́стия сласте́й.

Ра́дуйся, Варсоно́фие, О́птинскаго ста́рчества боголе́пное украше́ние.

Кондак 11

Скорбьми́ безме́рными обложе́н был еси́, я́ко терновым венце́м, поноше́ния претерпе́л еси́ и оклеветания́, да́же до сме́рти крест послу́шания несый́, в Го́рний Иерусали́м восхо́д свой устра́я. Те́мже страда́ния твоя́ воспева́юще, Бо́гу, укре́пльшему́ тя, благода́рно поём: Аллилу́иа.

Икос 11

От пúстыни твоея отгнанный завистию
диавола, в Стáро-Голúтвенней обители яко
премúдр вертоградáрь водворился еси, в нейже
крины прекрасныя насадив благочестия, в
райския обители дúхом отшел еси. Мúщи же
твоя святыя Óптина пúстынь, яко многоценное
сокрóвище, в недро свое прият, имиже
красúется ныне и во умилении велегласно тебе
вопиет:

Рáдуйся, Óптину пúстынь яко благоцветúщий
вертоград возделавый;

рáдуйся, возрождение в Голúтвину обитель яко
масличную ветвь принесый.

Рáдуйся, блаженство гонимых правды ради
стяжавый;

рáдуйся, кротостию Иисúсовою и любóвию
враги победивый.

Рáдуйся, голубе предобрый, паряй под сению
креста;

рáдуйся, яко в крове крил твоих мирствуют
чада твоя.

Рáдуйся, идеже есть тело твоё святое, ту
привитают духовнии орли;

рáдуйся, идеже ублажаема пáмять твоя, ту
пребываеши дúхом твоим.

Рáдуйся, Варсоно́фии, Óптинскаго старчества
боголе́пное украшение.

Кондак 12

Я́ко труба́ добропобѣдная, проповѣдует
пѣдвиги твоя́ Пустынь Оптинская, старцы
прославленная. В нейже ангельски пожив и на
небеса́ взят быв, Ангелы и собору Оптинских
отцевъ вчинился еси́, с ними поя́ Творцу́
всеслѣчную песнь: Аллилу́иа.

Икос 12

Щит неборимъ есть предстательство твоѣ за
ны, ѡтче преподобне, и моли́твенное
ходатайство твоѣ меч есть духовный, бесѡв
поражаяй. Сего́ ради испроси́ нам благодать у
Всеми́лостиваго Царя́ Христа́ Бо́га, еже возмо́щи
нам противитися всемъ ко́знемъ врага́ и одеяннымъ
во ору́жия́ свѣта́ стати, возвещающе тебе́
побѣдная сия́:

Ра́дуйся, побѣдо в духовной нашей брани;
ра́дуйся, вѣнче присноцвету́щий добре
подвиза́ющимся.

Ра́дуйся, яко на мы́сленнаго Амалі́ка ратуеши
с небеси́;

ра́дуйся, яко ва́рварская шата́ния
упраждня́еши на земли́.

Ра́дуйся, невидимое вспомо́жение ино́ческому
ополче́нию;

ра́дуйся, бесѡв многоплаче́вное пораже́ние.

Ра́дуйся, яко тобою́ Оптинское старчество
благоукра́сися;

ра́дуйся, я́ко тобо́ю жити́е на́ше помраче́нное просвети́ся.

Ра́дуйся, Варсоно́фие, О́птинскаго ста́рчества боголе́пное украше́ние.

Кондак 13

О, непобеди́ме стратилáте Небе́снаго Царя́ Христа́, богому́дре ста́рче Варсоно́фие! Тебе́ ака́фистное пение́ сие́ принося́ще, усер́дно про́сим тя: яви́ нам благомо́щное твоё заступле́ние и всем, любóвию тя почита́ющим, испроси́ у Го́спода оставле́ния грехо́в и а́нгельския кре́пости в по́двизех, да возмо́жем непреткнове́нно пети́ Го́споду сил: Аллилу́иа.

Молитва 1

О, пречестна́я и священна́я главо́, Небе́снаго Иерусали́ма гражда́нине, изрядный уго́днице Христо́в и вели́кий О́птинский чудотво́рче, преподо́бне о́тче Варсоно́фие! Призри от Го́рних высото́в на нас, смире́нных и грешных, во умиле́нии серде́ц к тебе́ прибега́ющих, тебе́ бо моли́твенника благоприя́тнаго ве́мы ко Всеми́лостивому Бо́гу. Вознеси́ о нас тво́я святы́я моли́твы ко Престо́лу Человеколю́бца Го́спода, дабы́ не поги́бнути нам со беззакóнии на́шими, но обрати́тся к пока́нию и исправле́нию, да проче́е вре́мя жити́я на́шего земна́го не в рабо́те греху́ и страсте́м, но в

дѣлании заповедей Его святых и в благочестии провождаем, и со благою надеждою достигнем кончины нашея. В час же смертный наипаче явися нам, отче, заступник благий, ускори на молитву о нас, беспомощных, и помози нам мирную и благою кончину улучшить, Божественных Таинств причастну, грозная мытарства воздушная безбедно прейти и унаследовати Горнее Царство.

Ей, отче приснопамятный, не презри нас и не посрами упования нашего, но буди о нас предстатель немолчный к Богу. Пастырю наш добрый, упаси нас бодренными твоими молитвами и сохрани ненаветны от всякаго зла, да славим неизреченное человеколюбие Бога нашего, Отца и Сына и Святаго Духа, и твое отеческое заступление, во веки веков. Аминь.

Молитва 2

О, священне воине и богомудрый отче наш Варсонофие, Оптинскаго старчества венценосный поборниче! Ты славу мира сего не возлюбив, ниже почести и житие расслабленно, но воинскую честь соблюдо до конца и земное тризнице оставив, воинился еси Царю Христу и со безплотными Ангелы на демоны ратовал, и победы почести приял еси. Темже под твое предстательство, яко под крепкий щит, прибегаем, и на лук молитв твоих надеющиеся,

молим тя, отче преподобне: утѣши ны яко отец чадолюбивый, и яко сынов нас утверди, облегчая скорбь належащую, избавляя от нужд души наша. Дажь нам твоему житию последовати и неуклонно соблюсти предания святых отец, ихже ты заповедал еси блюсти даже до смерти. Ей, отче, буди нам поборник в мысленных бранех наших, ихже ведем со страстьми и дѹхи лукавыми, яко немощни есмы и неискѹсни. Ты же, яко искѹс послушания прошед и благодать старчества унаследовав, можеш и нам искушаемым помощи. Да под кровом молитв твоих храними, воспоем и прославим Подвигоположника нашего Господа Иисуса Христа со Отцем и Животворящим Его Духом всегда, ныне и присно, и во веки веков. Аминь.

Текст службы утвержден на заседании Священного Синода 8 декабря 2020 года (журнал № 99)]

